



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Broj: A-563/23

Sarajevo, 29.12.2023. godine

Primljeno: 04-01-2024			
Org. jed.	Broj	Priloga	Vrijednost
05/1	-02-	571	23

Parlament Federacije Bosne i Hercegovine

Predstavnički dom

Hamdije Kreševljakovića broj 3, 71 000 Sarajevo BiH

n/r Sekretara gđina. Ivana Miličevića

PREDMET: Odgovor na postavljeno Zastupničko pitanje akt broj 05/1-02-571/23 od 22.12.2023. godine, dostavlja se

Poštovani,

Dana 26.12.2023. godine Ured glavnog tužioca Tužilaštva Bosne i Hercegovine je zaprimio Zastupničko pitanje zastupnice Dajane Frljić postavljeno na 4. redovnoj sjednici Zastupničkog doma Parlamenta Federacije BiH održanoj 21.12.2023. godine. Zastupničko pitanje se odnosi na postupanje u predmetu Tužilaštva BiH u vezi stradanja u Križančevu selu u Vitezu 1993. godine.

Uvidom u evidencije i prema obrazloženom izjašnjenju postupajućeg tužioca u predmetu broj T20 0 KTRZ 0000108 06 obavještavamo Vas da je dana 22.01.2019. godine podignuta optužnica protiv 8 lica za krivično djelo ratni zločin protiv ratnih zarobljenika iz člana 175. stav 1. tačka a) Krivičnog zakona Bosne i Hercegovine (KZBiH) i krivično djelo ratni zločin protiv civilnog stanovništva iz člana 173. stav 1. tačke a), b), c) i f) KZBiH.

Sud Bosne i Hercegovine je 19.9.2023. godine donio i javno objavio prvostepenu presudu u predmetu Ibrahim Purić i drugi, kojom je optuženi Almir Sarajlić oglašen krivim za počinjenje krivičnog djela ratni zločin protiv ratnih zarobljenika. Sud je optuženom Almiru Sarajliću izrekao kaznu zatvora u trajanju od 20 (dvadeset) godina. Nasuprot navedenom, optuženi Ibrahim Purić, Ibrahim Tarahija, Nijaz Sivo, Rušit Nurković, Sadik Omanović, Šaćir Omanović i Kasim Kavazović su oslobođeni od optužbe jer nije dokazano da su počinili krivično djelo ratni zločin protiv ratnih zarobljenika iz člana 175. stav 1. tačka a) KZBiH, a optuženi Ibrahim Purić i krivično djelo ratni zločin protiv civilnog stanovništva iz člana 173. stav 1. tačke a), b), c) i f) KZBiH.

U vezi navedenog napominjemo kako predmetna presuda nije pravosnažna, već je u toku rok za žalbu do čijeg će isteka Tužilaštvo BiH blagovremeno uložiti žalbu na oslobađajući dio presude, sve u skladu sa zakonskim ovlaštenjima tužioca koji podiže optužnicu i ulaže pravne lijekove protiv odluka suda.

S poštovanjem,



**GLAVNI TUŽILAC
TUŽILAŠTVA/TUŽITELJSTVA BOSNE I
HERCEGOVINE**

Milanko Kajganić

Dostaviti: - Naslovu